



UNIVERSITÄTS-
BIBLIOTHEK
PADERBORN

Universitätsbibliothek Paderborn

Methodus Clara Et Facilis Vacandi Orationi mentali Atque Exercendi se cum fructu in præsentia Dei

Coloniæ Agrippinæ, 1687

Caput XXXII. De modo accipiendi sæculares nos invisentes.

[urn:nbn:de:hbz:466:1-46004](https://nbn-resolving.org/urn:nbn:de:hbz:466:1-46004)

Oro te, ut gratiam hanc mihi concedas, ut
 eâ devotione me geram, proximo meo pie-
 tatis ac virtutis exemplum ut præbeam. No-
 li sinere, ô Virgo sanctissima, ut sacrum Or-
 dinem tuum ullâ liberiori oculorum evaga-
 tione offendam, vel ei dedecori sim. ,,

Applicatio interior. Consentanea erit my-
 sterio aut festo, quod celebratur. Arque si
 supplicatio generalis sit cleri totius, quilibet
 suas preces vocales ac sacram potissimum Bea-
 tissimæ Virginis corollam precatoriam, Ro-
 sarium vocant, persolvet.

CAPUT XXXII.

*De modo accipiendi sæculares nos
invisentes.*

QUANTUM quidem in nobis est, cum sæcu-
 laribus veluti mortui, qui viventibus ap-
 parent, conversetur oportet. Mortuorum
 apparitiones rariores existunt, modico solum
 tempore perdurant, eorumque sermones bre-
 viores ac nisi de rebus alterius vitæ non sunt.
 Ad eundem planè modum, quo ad ejus fieri
 potest, rariùs mundo nos visendos præbeamus
 est necesse: quod si obedientia aut charitas ad
 id faciendum nos impellat, tempus certa ac de-
 finita nobis præscribere necessitas, & colloquia
 nostra solum de Deo ac rebus quæ bono omni-
 bus sunt exemplo, esse debent.

Dive,

Directio.

" Existimabam, Domine, mundum esse à
 " me derelictum, & ecce mundus ipse me fu-
 " gientem insequitur. Noli, quæso, Domine,
 " permittere, ut rei istius studio aut cupiditate
 " ullo unquam cor meum tempore teneatur.
 " Solummodò obedientiæ satis ut faciam ad
 " colloquendum cum hominibus istis me
 " confero. Istam, oro, mihi gratiam conce-
 " de, ut hac in re mihi metipsi studiosius invi-
 " gilem, & omnes modestiæ regulas accuratè
 " observem. Bonos animi mihi sensus inspi-
 " ra, ut ea cum illis colloquia misceam, quibus
 " bono, quod à me expectant, esse illis queam
 " exemplo. Actionem hanc offero tibi in u-
 " nione tuæ sanctissimæ atque immensum in
 " modum fructuosæ conversationis inter ho-
 " mines, quoad in terris fuisti versatus. Noli
 " & tu sinere, Virgo sacratissima, ut isto in
 " congressu à præsentia Dei longè recedam,
 " aut quidpiam animi interioris collectionis,
 " quam spiritualibus exercitiis nostris fortassis
 " acquisivi, amittam.

Aditus & collocutio simplex omninoque
 sit procul ab officiosis verborum blanditiis,
 quarum usus est sæcularibus, oportet: illæ
 enim plerumque scatent mendaciis & assen-
 tationibus, adeoque omninò dignæ non sunt
 labiis orationi & Dei verbis consecratis,
 qualia sunt Religioso-
 rum.